

Ze barri?

ESKORIATZA / Egubakoitza / 2005eko urriaren 7a / 225. zenbakia

KOORDINATZAILEA: Iker Barandiaran • Otolara 31 ARRASATE 20500 • Tel.: 943 71 25 11 • Faxa: 943 71 23 89 • Posta elektronikoa: zebbarri@goiena.com • Lege gordailua: SS200/99

Argazkien eta edadetuen testigantzen bitartez herriko historia jasotzen dabilta

IKER BARANDIARAN

Udaleko Kultura Sailak ia 500 argazki batuta zituen identifikatu eta katalogatu barik. Horri irtenbidea emateko, beka bat atera zuten. Leire Parra arrasatearra ibili da argazkiak katalogatzen, informazioa batzen eta adinduen testigantzak jasotzen.

Orain dela 14 bat urte, Eskoriatzako argazkilari taldeak eta Udalak lehiaketa bat antolatu zuten. Herriko umeei eskatu zieten etxetik argazki zaharrak hartu eta udaletxera eramateko, zozketa-tutako sarien truke. 400 argazki baino gehiago lortu zituzten, eta udaletxean egon dira orain arte. Joan den urtearen bukaeran, Udaleko Kultura Sailak erabaki zuen argazki horiek katalogatzea eta horien gaineko informazioa batzea. Horretarako, Eskoriatza Herria II. Beka atera zuten, eta Leire Parra arrasatearrari eman zioten lan hori.

DAGOENKO, 1.087 ARGAZKI BATUTA

Lehenik eta behin, Leirek argazkiak inbentariatu eta digitalizatu egin zituen. Horrez gain, herritar taldeei laguntza eskatu zien, irudien gaineko informazioa batu ahal izateko (besteak beste, argaz-



Irudian, katalogatu duten argazkietako bat: On Luis Muxika eta herriko hainbat gaztetxo, idazmakina eta guzti.

kietan ikus daitezkeen izen-abizenak, irudiak non eginda dauden, noiz...). Bide hori erabilita, herriko hainbat lagunek argazki gehiago eraman zizkioten, eta guztira 1.087 batu ditu. Argazki bakoitzarekin fitxa bat bete du, eta datu basea osatu. Baina irudi batzuk errepikatu egin direnez, guztira 1.049 erregistro sortu ditu.

Udalak artxibo digitala egin du, eta jasotakoa herritarren artean zabaldu gura du

Irudiak gaika banatuta daude, eta 37 gai edo esparru bereiztu dituzte (aisialdia, artea, ekin-tza ofizialak, dokumentuak, erretratuak, eraikuntzak, gertaerak, garraioak, hezkuntza, jaiak, lana, eta abar). Urtarrietik uztaileira arte egon da Leire lan hori egin. Orain Udalak erabaki behar du material horri guztiorri zer

erabilpen ematen dion. Hainbat aukera aztertu dituzte: erakusketak egitea, libururen bat kaleratzea... Lehenengo helburua, behintzat, lortu dute: Udalaren artxibo digitala eratzea, hain zuzen ere. Beste aukera bat da artxibo digitala osatzen jarraitzea. Hori guztia laster erabaki eta aditzera emango dute.

EDADETUEN TESTIGANTZAK

Horrez guztiaz gain, Leire Parrak 80 urteko eskoriatzarrengana jo du haien testigantzak jasotzeko. Hala, haien bidez asmoa zen herriko aspaldiko ohitura, gertaera eta kontakizunak berreskuratzea, besteak beste.

Gehienetan ezezkoa eman zioten arren, lagun gutxi batzuk elkarrizketatzea lortu zuten. Zortzi lagunekin egon zen berbetan: On Cruz Abarrategi, Andres Agiriano, Mertxe Armendariz, Jose Azkarate, Bernabe Errasti, Jose Pagaldai, Mario Padilla eta Esperanza Uribarrenekin.

Elkarrizketa horietan hainbat gai jorratu zituzten, eta oso baliagarriak izan dira iraganeko haurtzarora, jolasak, hezkuntza, lana, bizimodua, jaiak, erlijio ohitura eta ospakizunak eta bestelakoak zelakoak ziren jakiteko. Elkarrizketa horiek guztiak gordeta eta jasota daude.

Datorren astean, perretxikoen gaineko jardunaldiak

I.B.

Luis Ezeiza eskolako guraso elkarteak, urtero moduan, perretxikoen gaineko jardunaldiak antolatu ditu. Datorren asteburuan egingo dituzte, hilaren 14tik 16ra bitartean.

Dagoeneko ohitura bilakatu da sasoi honetan Luis Ezeizako guraso elkarteak perretxikoen gainean gehiago jakiteko ekintzak

antolatzea. Antolatzaileek herritar guztiak gonbidatu gura dituzte ekintzetan esku hartzera. Datorren egubakoitzean, hilaren 14an, Laudioko Mikologia elkarteko lagun batzuek berbaldia egingo dute, diapositibekin lagunduta. Ibarraundi museoa izango da, 18:30ean. Perretxikoak identifikatu eta zeintzuk diren onak eta zeintzuk diren txarrak bereiztuko dute.

Zapatuan, hilaren 15ean, mendira irteera egingo dute.

09:00etan elkartuko dira Luis Ezeiza eskolako jolastokian eta hainbat taldetan banatuko dira perretxikoak batzeko. Ikusten dituzten guztiak hartuko dituzte, onak eta txarrak, eta izendatu eta sailkatu egingo dituzte.

DOMEKAN, PERRETXIKO DASTATZEA

Domeka goizean, hilaren 16an, perretxiko erakusketa egingo dute plazan. Horrez gain, perretxikoen eta bestelakoek dastatzea egingo da.



Ibarreko herri gehienetan egingo dituzte perretxikoen gaineko ekintzak.

TELEFONO JAKINGARRIAK

ESKORIATZA	
Udaletxea	943 71 44 07
Udal bulegoak	943 71 45 32
Udalzaingoa	943 71 44 07
Euskaltegia	943 79 21 68
Kultura etxea	943 71 46 88
Gizarte laguntzailea	943 71 31 36
Kirol etxea	943 71 53 28
Liburutegia	943 71 31 35
Luis Ezeiza	943 71 53 56
Jose Arana Almen Ikastola	943 71 44 86
Almen	943 71 49 07
Museo Eskola	943 71 54 53
Axtroki	943 71 40 77
HUHEZI	943 71 41 57
Osakidetza	943 71 44 52
Telesko	943 71 49 17
Taxiak	943 71 40 59

BESTELAKOAK	
Eskualde ospitalea (Arrasate)	943 00 53 00
Gurutze Gorria (Bergara)	943 76 55 76
Ertzaintza (Arrasate)	943 79 71 99
Suhiltzaileak (Oñati)	943 79 28 00
Renfe (Zumarraga)	943 72 15 15
Renfe (Gasteiz)	945 23 20 30
PESA (Arrasate)	902 10 12 10
Larrialdiak (Arrasate)	943 77 10 43
SOS Deiak	112

OHARRAK

GURASO ESKOLAK, BERTAN BEHERA

Udalak iragarritako guraso eskolak bertan behera gelditu dira, oso lagun gutxi eman dutelako izena.

AXTOKIREN AGENDA

TORTOLIS LUDOTEKAREN GAINEAN


Hemendik aurrera Axtrokik ez du ludoteka kudeatuko, lehiaketa publikoaren ondorioz.

AZKOAGA

ESTANKOA

943 71 48 77

Zure Zerbitzura



San Pedro auzoan jarri berri dituzten arrapalak, ailegaeraztasuna hobetzeko.

Hiriberritze plana, herrian egin beharreko hobekuntzak jasotzeko

IKER BARANDIARAN

Udala iaz hasi zen bizilagunekin batzen eta herrian egin beharreko hobekuntzen proposamenak jasotzen. Batzarrak egin ostean, 200 proposamen baino gehiago jaso zituzten. Horietako batzuk dagoeneko egin dituzte, eta egunotan proposamen gehiago jasotzen dabilta.

Iaz, Udaleko Lan eta Zerbitzuen eta Hirigintzako Sailak herriarregana jotzea erabaki zuen. Helburua zen udalerria hobetzea, eta gainera bizilagunen gustura bazen, askoz hobeto. Besteak beste, gura zuten ailegaeraztasuna bermatzea, espaloiak hobetzea, hiri-altzariak ordezkatzeko eta abar.

Hirigintza Saileko arduradunak hainbat auzotako ordezkariekin batu ziren. Horren ostean, auzo bakoitzean hobekun-

tzak aztertu eta proposamenak egin zituzten.

200 PROPOSAMENETATIK 88 EGINDA
Eskoriatzako bizilagunek 200 bat proposamen egin zituzten. Horietatik Udalak dagoeneko 88 aintzat hartu eta egin ditu; beste 27 laster egiteko asmoa dauka; eta beste 22 atzera bota ditu, teknikoki ez direlako posible edo horren gaineko interes txikia dagoela ikusi dutelako.

Dena dela, Udala oso pozik dago herritarren harrerarekin eta

Udaleko Hirigintza Saila egunotan dabil bizilagunen proposamen gehiago jasotzen

egunotan batzar gehiago egiten dabilta San Pedro, Intxaurtxueta, Gorosarri plaza, Olazar, Hidalgua, San Juan, Arana, Aranburuzabala eta Olaeta plazako bizilagunekin. Batzar horiek osoko bilkura aretoan egiten dabilta.

KONPONKETAK ETA GABEZIAK ESTALI
Iaztik gaur egunera arte hainbat lan eta eraldaketa egin dituzte, herritarrek hala eskatuta: hainbat kaletan arrapalak, eskudelak, markesinak, ispiluak, pibotak, eserlekuak eta abiadura murrizteko bandak jarri dituzte; galtzada-harri solteak lotu dituzte; aparkaleku-plazak margotu; zuloak estali; zuhaitzak landatu; eserlekuak eta eskudelak konpondu eta abar.

Bestalde, Udalak aurreikusita dauka epe ertainean beste hainbat hobekuntza lan egitea. Horietatik gehienak urria eta abendua bitartean bukatu gura dituzte.

LABUR

Ludoteka berriro zabalik, arduradun berriekin

Opor aurretik Udalak Tortolis ludotekaren kudatzea lehiaketa publikora atera zuen. Orain dela bost urte, Axtroki euskara elkarteak egin zuen proiektua, eta aurtengo uztailean arte elkarte hori arduratu da ludotekaz. Lehiaketa publiko horren ondorioz, Gasteizko enpresa batek hartu du ardura hori, eta Axtrokik uztailean utzi zion lan hori egiteari.

Urriarekin batera, ikasurte berria hasi dute ludotekaren eta matrikulazio kanpaina abiarazi dute. Horrez gain, astean hainbat ekintza antolatu dituzte herriko txikienei ludoteka berriro abian dagoela aditzera emateko.

Astelehenean, plastilinarekin jolastu ziren; martitzenean, bitxiak pastaz egiten ikasi zuten; eguaztenean, maskarak landu zituzten; eguenean, askari edo merienda egin zuten; eta gaur, egubakoitza, jolas erraldoiak, puzgarriak eta beste izango dituzte Luis Ezeiza eskolako jolaslekuan. Ekintza guztiak 17:00etan hasi dituzte, baita gaurkoa ere. Interesatuak ludotekara jo beharko dute izena ematera. Han emango diete informazio guztia.

Hennazko tatuaje ikastaroa, eta kirol hitzorduak

Etzi, domeka, Udaleko Gazteria Sailak gazteendako hennazko tatuajeen ikastaroa egingo du, 17:00etatik 20:00etara bitartean. Interesatuak izena eman dezakete lehenbailehen honako telefono zenbakian: 620 06 31 15. Bestela, hurrengo ikasurtera itxaron beharko dute.

Bestalde, bihar, zapatua, lehenengo mailako futbol areto taldeak norgehiagoka izango du GSI Bilbo UPV FS taldearen kontra, 18:00etan jokatuko dute Eskoriatzako kiroldegian.

MIRENTXU TABERNA
Kafe goxoa hartzeko
Tel.: 943 71 41 67

Gustora egoteko!
Intxaurtxueta 8
ESKORIATZA
943 71 40 63

IDORLETZA
Aranburuzabala 22, behea
ESKORIATZA
Tel.: 943 71 51 20

LENIZ, C.B. KONPONKETAK

LENIZ ESKORIATZA

TXAPA, MARGOA eta MEKANIKA

Aingeru ibiltokia z/g. • Tel.: 943 71 50 61 • Eskoriatza